



**Z A P I S N I K**  
**28.sjednice Komisije za vanjsku trgovinu i carine**  
**Predstavničkog doma Parlamentarne skupštine BiH,**  
**održane 16.2. 2009.godine**

Sjednica je počela u 10 sati.

Sjednicom je predsjedavao privremeni predsjedavajući Komisije Slavko Jovičić. Sjednici su prisustvovali članovi Komisije: Mehmed Suljkanović, Šemsudin Mehmedović, Jozo Križanović, Salko Sokolović, Jerko Ivanković Lijanović i Hadži Jovan Mitrović. Opravdano je odsutvovao Ekrem Ajanović.

Sjednici su prisustvovali: Hajrudin Podbičanin i Sabrija Šerifović, pomoćnici ministra vanjske trgovine i ekonomskih odnosa BiH; Šefika Tutundžić, šef Odsijeka za carinske tarife MVTEO BiH, Dobrinka Savić, stručni saradnik u Komisiji za vanjsku i trgovinsku politiku, carine saobraćaj i komunikacije Doma naroda PSBiH; Zoran Brkić, viši stručni saradnik u PSBiH; Radomir Marjanović, stručni savjetnik u Komisiji i Emira Češljarić, sekretar Komisije za vanjsku trgovinu i carine.

Za sjednicu Komisije predložen je, s prijedlogom dopune tačke Tekuća pitanja, i jednoglasno usvojen sljedeći

**D N E V N I R E D**

1. Usvajanje Zapisnika 27. sjednice Komisije,
2. Razmatranje Prijedloga zakona o dopuni Zakona o carinskoj tarifi BiH, predlagač: Vijeće ministara BiH (na osnovu člana 110. Poslovnika Predstavničkog doma sa amandmanima), radi dostavljanja izvještaja Predstavničkom domu,
3. Razmatranje Izvještaja o realizaciji Akcionog plana za provođenje programa mjera u okviru CEFTA sporazuma (na osnovu zaključaka sa 32. sjednice Doma) s Analizom vanjskotrgovinske razmjene BiH za 2008.,
4. Tekuća pitanja.

**Ad.1. Usvajanje Zapisnika 27. sjednice Komisije**

Zapisnik 27. sjednice Komisije usvojen je jednoglasno, bez primjedbi.

**Ad.2. Razmatranje Prijedloga zakona o dopuni Zakona o carinskoj tarifi BiH, predlagač: Vijeće ministara BiH (na osnovu člana 110. Poslovnika Predstavničkog doma sa amandmanima), radi dostavljanja izvještaja Predstavničkom domu**

Konstatirano je da su na predloženi tekst zakona blagovremeno dostavili amandmane Šemsudin Mehmedović i Mehmed Suljkanović. Također na osnovu Zaključka usvojenog na 44. sjednici

Pradstavničkog doma kada je razmatran navedeni Prijedlog zakon u prvom čitanju, MVTEOBiH je, 13. februara 2009., dostavilo Komisiji listu proizvođača sačinjenu prema potrebama proizvođača i prerađivača iz oblasti: metaloprerađivačke i tekstilne industrije, te poljoprivredne proizvodnje ( na osnovu prijedloga Udruženja proizvođača i prerađivača mesa u BiH).

U raspravi su učestvovali: Slavko Jovičić, Šemsudin Mehmedović, Jozo Križanović, Mehmed Suljkanović, Salko Sokolović, Jerko Ivanković Lijanović i Hadži Jovan Mitrović; u ime predlagača Hajrudin Podbičanin i Šefika Tutundžić.

Šemsudin Mehmedović rekao je da je namjera bila da se ulaganjem amandmana onemogući Vijeće ministara BiH da ucjenjuje ostale proizvođače u vezi s kvotama i carinskim stopama. Imajući u vidu da je Vijeće ministara BiH predložilo korekciju, tj. dodavanje dijela teksta na amandman Mehmeda Suljkanovića, izjavio je da odustaje od svog amandmana.

Jozo Križanović rekao je da je bio dogovor da se podrži Prijedlog zakona samo ukoliko se uključe i drugi zainteresirani proizvođači te upitao predstavnika predlagača zakona šta je Vijeće ministara BiH do sada učinilo sa zahtjevima ostalih prerađivača i proizvođača za dobivanje carinskih olakšica.

Hajrudin Podbičanin rekao je da je MVTEOBiH, u saradnji sa VTKBiH, na osnovu zaključaka Komisije sastavilo listu ostalih zainteresiranih proizvođača i dostavilo je Komisiji. Vodili smo računa da carinska stopa ne bude niža od stopa Evropske unije. Ministarstvo će razmotriti opravdanost zahtjeva, te na osnovu toga pripremiti prijedlog Zakona o izmjenama Zakona o carinskoj tarifi i uputiti ga u redovnu zakonodavnu proceduru.

Mehmed Suljkanović konstatirao je da navedeni materijal MVTEOBiH nije traženi prijedlog Vijeća ministara BiH, te se on ne može prihvatiti kao prijedlog za izmjenu zakona. Postavlja se pitanje šta ovim dokumentom dobiva Ministarstvo ako imamo stav Komisije da ne prihvatamo prijedlog i ne usvoji se zakon u drugom čitanju, dok ultimativno Ministarstvo ne izvrši zaključke sa prethodne sjednice kako bi ovim zakonom bili obuhvaćeni svi zainteresirani proizvođači i potrebni proizvodi, a ne samo prerađivač šećera.

Ostrali učesnici rasprave konstatirali su da treba dati podršku usvajanju dopune navedenog zakona, da u ovom slučaju imamo tri zakona koji tretiraju istu materiju, i da MVTEOBiH treba što prije provesti proceduru i pripremiti prijedlog Zakona o izmjenama Zakona o carinskoj tarifi BiH.

Šefika Tutundžić istakla je da su zahtjevi s liste ostalih proizvođača dostavljeni poslije 16. 1.2009., odnosno nakon usvojenog Zaključka na 27.sjednici Komisije.

Komisija je, sa šest glasova „za“ i jednim „ suzdržanim“ glasom, usvojila modificirani amandman Mehmeda Suljkanovića uz dopunu teksta na kraju amandmana koji glasi:“ i ako se proizvod, koji je u pitanju, ne može osigurati po prihvatljivim cijenama na domaćem tržištu.“

Usvojeni amandman koji se odnosi na izmjenu teksta u drugom redu u koloni „Ostali uslovi“ dopune Zakona glasi:

**„Vijeće ministara BiH će najviše dva puta u toku kalendarske godine ponoviti utvrđene kvote za ovu tarifnu oznaku, ako to budu tražile firme koje imaju kapacitete za preradu ovog proizvoda, instalirane u BiH i ako se proizvod, koji je u pitanju, ne može osigurati po prihvatljivim cijenama na domaćem tržištu.“**

Komisija je, sa šest glasova „za“ i jednim „ suzdržanim“ glasom, prihvatila Prijedlog zakona sa usvojenim amandmanom koji postaje sastavni dio Zakona i usvojila sljedeći zaključak koji glasi:

„Nalaže se Vijeću ministara BiH da u roku od 15 dana dostavi Prijedlog zakona o izmjenama i dopunama zakona o carinskoj tarifi BiH prema potrebama bh. privrede.“

**Ad.3.Razmatranje izvještaja o realizaciji Akcionog plana za provođenje programa mjera u okviru CEFTA sporazuma (na osnovu zaključaka sa 32.sjednice Doma) s Analizom vanjskotrgovinske razmjene BiH za 2008.godinu**

Ministarstvo vanjske trgovine i ekonomskih odnosa BiH je, na osnovu zaključaka usvojenih na 26., 29. i 32. sjednici Predstavničkog doma, 10. decembra 2008., Parlamentarnoj skupštini BiH dostavilo Izvještaj o realizaciji Akcionog plana za provođenje programa mjera u okviru CEFTA sporazuma, koji je Vijeće ministara BiH razmatralo na 67. sjednici, održanoj 26. 11. 2008., s Analizom vanjskotrgovinske razmjene BiH za 2008. godinu upućene Parlamentarnoj skupštini BiH 10. 2. 2009.

O navedenim materijalima Komisija je vodila odvojene rasprave.

1. U raspravi su učestvovali: Jerko Ivanković Lijanović, Šemsudin Mehmedović, Mehmed Suljkanović, Jozo Križanović, Hadži Jovan Mitrović i Slavko Jovičić.

Učesnici u raspravi kritički su se osvrnuli na Akcioni plan i zaključili da su dosadašnji pokušaji Komisije kroz predlaganje određenih zakona bili bezuspješni. „Akcioni plan trebalo bi da poboljša vanjskotrgovinski deficit BiH kroz strukturu robne razmjene BiH poljoprivrednim proizvodima.

Sabrija Šerifović dao je dodatna pojašnjenja u vezi s navedenim materijalima i istakao je da je Bosna i Hercegovina jedina potpisnica CEFTA-e koja je prošle godine pismeno dostavila koje probleme BiH ima u trgovini sa R Hrvatskom i R Srbijom. U Prilogu 7. Izvještaj sadrži predložene prioritete koji predstavljaju ekonomske procese koje treba ubrzati da bi se poboljšalo stanje u poljoprivredi.

Nakon rasprave, Komisija je **usvojila izvještaj o realizaciji Akcionog plana za provođenje programa mjera u okviru CEFTA sporazuma**, sa sljedećim z a k l j u č k o m:

„ Zadužuje se Vijeće ministara BiH da u okviru svojih nadležnosti u saradnji s nadležnim institucijama Bosne i Hercegovine pripremi dodatne mjere s ciljem poboljšanja konkurentnosti kompletne bh. privrede. Do donošenja ovih mjera Komisija predlaže Predstavničkom domu donošenje Zakona o zaštiti domaće proizvodnje.“

2. U raspravi su učestvovali: Jerko Ivanković Lijanović, Šemsudin Mehmedović, Salko Sokolović i Mehmed Suljkanović.

Nakon rasprave, Komisija je primila k znanju **Analizu vanjskotrgovinske razmjene Bosne i Hercegovine za 2008. godinu** i predložit će Predstavničkom domu da učini isto.

**Ad.4. Tekuća pitanja**

U okviru ove tačke ponovo je z a k l j u č e n o da se Komisija obrati Vijeću ministara BiH i urgira radi dostavljanja u parlamentarnu proceduru Zakona o akcizama u BiH.

Sjednica završena u 12, 50 sati.

Sekretar Komisije  
**Emira Češljarić**

Privremeni predsjedavajući Komisije  
**Slavko Jovičić**